

**Izveštaj o radu Uprave policije MUP-a Kantona Sarajevo
za mjesec oktobar 2018. godine**

1. KRIMINALITET

OSNOVNI STATISTIČKI POKAZATELJI KRIMINALITETA

U mjesecu **oktobru 2018.** godine, na području Kantona Sarajevo **registrovana su 394 krivična djela**¹ što je za četiri ili 1% manje u odnosu na isti mjesec prethodne godine.

Od ukupnog broja registrovanih krivičnih djela, 203 ili 51,5% izvršeno je od strane poznatih, a 191-no ili 48,5% od strane nepoznatih izvršilaca.

Za 63 djela ili 33% od ukupnog broja krivičnih djela prijavljenih po nepoznatom izvršiocu, naknadno je identifikovan osumnjičeni izvršilac, od čega je 31-no krivično djelo iz izvještajnog, a 32 iz ranijeg perioda.

Službenici Uprave policije MUP-a KS su u mjesecu oktobru 2018. godine **za ukupno 266 krivičnih djela ili 67,5%, identifikovali osumnjičene izvršioce**, što je za 7,4% više u odnosu na isti mjesec prethodne godine.

Zbog postojanja osnova sumnje da su počinili krivična djela **prijavljena su 262 lica** (63 više), od čega su **144 povratnika** (41 više) u izvršenju krivičnih djela (ili 55% od ukupnog broja lica), **sedam maloljetnika** (sedam manje), a **107 lica je lišeno slobode** (12 više).

PREGLED KRIMINALITETA NA PODRUČJU KANTONA SARAJEVO U MJESECU **OKTOBRU 2018/17.** GODINE
POSMATRANO PO GLAVAMA KZFBiH-a I KZ BiH-a

KRIVIČNA DJELA	oktobar 2018.	oktobar 2017.	uporedba br.KD		„rasvijetljenost“ oktobar 2018. g.	
			+ / -	%	brKD	% ras.
Protiv života i tijela	24	13	11	84,6%	25 ²	104,2%
Protiv slobode i prava čovjeka i građanina	21	17	4	23,5%	21	100%
Protiv spolne slobode i morala	1	0	1	---	1	100%
Protiv braka, porodice i mladeži	25	28	-3	-10,7%	25	100%
Protiv zdravlja ljudi	55	44	11	25%	55	100%
Protiv privrede, poslovanja i sigurnosti platnog prometa	0	1	-1	---	0	---
Protiv imovine	220	255	-35	-13,7%	96	43,6%
Protiv opće sigurnosti ljudi i imovine	14	7	7	100%	10	71,4%
Protiv sigurnosti javnog prometa	10	14	-4	-28,6%	9	90%
Protiv pravosuđa	5	0	5	---	5	100%
Protiv javnog reda i pravnog prometa	10	11	-1	-9,1%	10	100%
Protiv podmićivanja i kd protiv službene i druge od...	2	0	2	---	2	100%
Protiv slobode i prava čovjeka i građanina (KZBiH)	1	0	1	---	1	100%
ZONDINOiM-a (Sl.novine KS br.01/18)	6	8	-2	-25%	6	100%
UKUPNO	394	398	-4	-1%	266	67,5%

U mjesecu oktobru 2018. godine u odnosu na isti mjesec prethodne, zabilježeno je neznatno smanjenje broja registrovanih krivičnih djela za četiri djela ili 1%. Smanjenje je registrovano u oblastima protiv imovine (za 35 djela), sigurnosti javnog prometa (za četiri), djela regulisanih ZONDINOIM-om (za dva), itd., dok je povećanje evidentirano u oblastima protiv života i tijela (za 11 djela), zdravlja ljudi (za 11), opće sigurnosti ljudi i imovine (za sedam), pravosuđa (za pet djela), itd.

PREGLED KRIVIČNIH DJELA PO OBLASTIMA

KRIVIČNA DJELA PROTIV ŽIVOTA I TIJELA

Tokom mjeseca oktobra ove godine **evidentirana su 24 krivična djela iz ove oblasti** (11 više u odnosu na oktobar 2017 godine), i to: ubistvo jedno djelo (nije bilo ovih djela u uporednom mjesecu), ubistvo u pokušaju - dva djela (nije bilo ovih djela), teška tjelesna ozljeda – devet (pet više), lahka tjelesna ozljeda – 11 (dva više) i učestvovanje u tuči - jedno djelo (nije bilo ovih djela). Zbog postojanja osnova sumnje da su ih počinili, nadležnom tužilaštvu podneseni su službeni izvještaji protiv 28 lica (15 više), 11 je povratnika ili 39,3%, a osam je lišeno slobode. Sva prijavljena djela u izvještajnom mjesecu iz ove oblasti su rasvijetljena kao i jedno djelo iz ranijeg perioda.

1.2.2. KRIVIČNA DJELA PROTIV SLOBODE I PRAVA ČOVJEKA I GRAĐANINA

Iz ove oblasti **evidentirano je 21-no krivično djelo** (četiri više) i to: - ugrožavanje sigurnosti - 20 i otmica - jedno djelo. Za izvršenje ovih djela prijavljena su 23 lica, od kojih je osam povratnika u činjenju krivičnih djela, a pet je lišeno slobode.

Krivična djela ugrožavanja sigurnosti evidentirana su na području slijedećih općina: Stari Grad - sedam, Centar i Vogošća - po tri, Novi Grad, Ilidža i Hadžići - po dva i Ilijaš - jedno djelo, a počinjena su upućivanjem verbalnih prijetnji, pisanih - prijetećih poruka i sl.

KRIVIČNA DJELA PROTIV BRAKA, PORODICE I MLADEŽI

U izvještajnom mjesecu iz ove oblasti **evidentirano je 25 djela** (tri manje) i to: nasilje u porodici - 24 i izbjegavanje izdržavanja - jedno djelo. Za izvršenje ovih djela prijavljeno 27 lica, od kojih je 15 povratnika (ili 55,6%), a 11 je lišeno slobode.

Krivična djela nasilje u porodici iz člana 222. KZFBiH-a evidentirana su na području općina: Hadžići - šest djela, Novo Sarajevo - pet, Stari Grad - četiri, Novi Grad i Ilidža – po tri, Vogošća - dva i Centar - jedno djelo.

KRIVIČNA DJELA PROTIV ZDRAVLJA LJUDI

Prijavljeno je **55 krivičnih djela iz oblasti protiv zdravlja ljudi** (11 više) i to:

- Neovlašćena proizvodnja i stavljanje u promet opojnih droga (čl. 238.KZFBiH) – pet,
- Posjedovanje i omogućavanje uživanja opojnih droga (čl. 239. KZFBiH) – 50 djela.

Zbog postojanja osnova sumnje da su počinili navedena djela podneseni su službeni izvještaji protiv 55 lica od kojih su 33 povratnika ili 60%, a 27 je lišeno slobode.

Policijski službenici Uprave policije su Kantonalnom tužilaštvu Sarajevo podnijeli službene izvještaje protiv pet lica zbog postojanja osnova sumnje da su u proteklom periodu u više navrata kupovali opojnu drogu "Marihuanu", „Amfetamin“, itd. od za sada nepoznatih lica, na raznim lokalitetima, istu prepakivali, a zatim vršili prodaju raznim konzumentima na području Kantona, čime bi počinili krivično djelo iz člana 238. KZ FBiH-a (Neovlašćena proizvodnja i stavljanje u promet opojnih droga), te protiv 50 lica koji su navodili druga lica na uživanje opojnih droga, stavila na raspolaganje prostorije radi uživanja opojne droge ili kod kojih je prilikom pregleda pronađena opojna droga („Marihuana“, „Amfetamin“, itd.) čime bi počinili krivično djelo iz člana 239. KZ FBiH-a (Posjedovanje i omogućavanje uživanja opojnih droga).

PREGLED ODUZETE KOLIČINE OPOJNIH DROGA U MJESECU OKTOBRU 2018/17. GODINE

vrsta opojne droge	oktobar 2018. godine	oktobar 2017. godine
Marihuana (u gramima)	311	2.550
Marihuana (paketići)	28	27
Marihuana (ručno ravnjene cigarete)	5	3
Heroin (paketići)	---	3
Amfetamin (paketići)	7	13
Amfetamin (u gramima)	93	15
Ecstasy (tablete)	53	---
Suboxon (tablete)	---	6
Pribor sa ostacima droge	9	9

KRIVIČNA DJELA PROTIV IMOVINE

U izvještajnom mjesecu, **registrovano je 220 krivičnih djela protiv imovine**, što je za 35 djela ili 13,7% manje u odnosu na isti mjesec prošle godine. Među djelima iz ove oblasti najbrojnije su: teške krađe – 121-no djelo (36 manje), zatim krađe – 36 (četiri manje), razbojništvo – 20 (deset manje), oštećenje tuđe stvari – 14 (isti broj), prijevara - 12 (šest više), utaja – sedam (četiri više), prikrivanje - dva (nije bilo ovih djela), itd.

Za ukupno 96 ovih djela ili 43,6% identifikovan je osumnjičeni izvršilac što je za 2,8% više u odnosu na uporedni mjesec.

Kada su u pitanju teške krađe, prema objektu izvršenja najbrojniji su bili stambeni objekti – 49 puta (16 manje), zatim slijede motorna vozila (otuđenja motornih vozila i “provale” u ista) – 46 (osam manje), poslovni prostori - 14 (16 manje), itd.

Na području Kantona Sarajevo u mjesecu oktobru ove godine **izvršeno je 35 krivičnih djela teških krađa motornih vozila** od čega je osam ili 22,9% pronađeno i vraćeno vlasnicima (od strane Uprave policije MUP-a KS vraćena su tri vozila, MUP-a RS-a dva i vlasnici su pronašli – tri vozila).

Broj teških krađa motornih vozila, u odnosu na uporedni mjesec, povećan je za dva ili 6,1%, a zbog postojanja osnova sumnje da su učestvovali u otuđenju motornog vozila nadležnom tužilaštvu u mjesecu oktobru 2018. godine podneseni su službeni izvještaji protiv sedam lica, od kojih su četiri povratnika u činjenju krivičnih djela.

Prijavljeno je **36 krivičnih djela krađe** (četiri manje), koja su izvršena devet puta u stambene objekte, 12 u poslovne prostorije, 15 puta na ulici, itd., pri čemu su otuđivani novčanici, alat, građevinski materijal, prehrambeni proizvodi, bicikli, autodijelovi, itd.

Evidentirano je **15 krivičnih djela teških krađa na naročito opasan ili naročito drzak način** (devet više), u kojima su izvršiooci, upotrebom fizičke snage – 14 puta, te verbalnom prijetnjom u jednom slučaju, otimali mobitele, nakit i novac.

Ova djela su izvršena 12 puta na ulici, dva u tramvaju i jedno u haustoru stambene zgrade.

Zbog postojanja osnova sumnje da su počinili ova djela, nadležnom tužilaštvu podneseni su službeni izvještaji protiv tri lica, od koji su dva maloljetna i svi su lišeni slobode.

U mjesecu oktobru ove godine **registrovano je 20 krivičnih djela razbojništva** (10 ili 33,3% manje), a zbog postojanja osnova sumnje da su ih počinili prijavljeno je 15 lica, od kojih je sedam

povratnika. Ukupno su rasvijetljena 23 ova djela (pet djela iz izvještajnog mjeseca i 18 djela iz ranijeg perioda).

Razbojništva su izvršena prijetnjom upotrebe vatrenog oružja - 10 puta, prijetnjom upotrebe noža ili drugog oštrog predmeta –šest i upotrebom fizičke snage – četiri puta, a počinjena su u prodavnicama – devet puta, na ulici - pet, na benzinskim pumpama - tri, u sportskoj kladionici, apoteci i u stambenom objektu - po jedno. Otudivan je novac, mobiteli i jedno putničko motorno vozilo.

KRIVIČNA DJELA PROTIV OPĆE SIGURNOSTI LJUDI I IMOVINE

Iz ove oblasti **evidentirano je 14 djela (sedam više)** i to: - izazivanje opće opasnosti - deset, nesavjesno čuvanje pasa i drugih opasnih životinja - dva, izazivanje opće opasnosti u pokušaju i izazivanje opće opasnosti u pomaganju - po jedno djelo. Zbog postojanja osnova sumnje da su počinili ova djela nadležnom tužilaštvu podneseni su službeni izvještaji protiv 12 lica od kojih je sedam povratnika u činjenju krivičnih djela ili 58,3%, a šest je lišeno slobode.

KRIVIČNA DJELA PROTIV JAVNOG REDA I PRAVNOG PROMETA

U ovoj oblasti **registrovano je 10 krivičnih djela** (jedno manje) i to: nedozvoljeno držanje oružja ili eksplozivnih materija i napad na službenu osobu u vršenju poslova sigurnosti - po tri djela, nasilničko ponašanje – dva, sprječavanje službene osobe u vršenju službene radnje i krivotvorenje isprave – po jedno djelo.

Zbog postojanja osnova sumnje da su počinili krivična djela iz ove oblasti, nadležnom tužilaštvu podneseni su službeni izvještaji protiv 11 lica od kojih su dva povratnika a tri su lišena slobode.

KRIVIČNA DJELA POČINJENA OD STRANE MALOLJETNIH LICA

U toku mjeseca oktobra 2018. godine prijavljeno je sedam maloljetnika (sedam ili 50% manje u odnosu na isti mjesec 2017. godine) zbog postojanja osnova sumnje da su počinili sedam krivičnih djela (sedam ili 50% manje).

Među prijavljenim maloljetnim učinioocima, četiri su u dobi od 14 do 16 godina i tri su između 16 i 18 godina. Dva maloljetnika su povratnici u izvršenju krivičnih djela.

Struktura krivičnih djela izvršenih od strane maloljetnih lica u toku mjeseca oktobra 2018/2017. godine

(KZ FBiH) krivična djela	oktobar 2018.	oktobar 2017.	+,-%
teška tjelesna ozljeda		1	-1
lahka tjelesna ozljeda		1	-1
ugrožavanje sigurnosti	3		+3
posjedovanje i omog. uživanja opojnih droga		3	-3
teška krađa na naročito opasan ili drzak način	1		+1
razbojništvo		6	-6
lažno prijavljivanje	3		+3
nasilničko ponašanje		1	-1
izazivanje opće opasnosti		2	-2
UKUPNO	7	14	-7 ili 50%

OSTALA PROTIVPRAVNA I ASOCIJALNA PONAŠANJA

AKTIVIRANJE MINSKO-EKSPLOZIVNIH SREDSTAVA

U toku mjeseca oktobra 2018. godine nije bilo evidentiranih aktiviranja minsko-eksplozivnih sredstava (tri u oktobru 2017. godine), kao ni dojava o postavljenoj eksplozivnoj napravi (u uporednom mjesecu jedna anonimna dojava).

POŽARI

Tokom mjeseca oktobra 2018. godine, na području Kantona Sarajevo registrovano je 16 požara (četiri više), koji su za posljedicu imali materijalnu štetu.

Požari su registrovani na području općina: Novi Grad – šest, Centar – tri, Stari Grad i Ilidža - po dva, Novo Sarajevo, Trnovo i Vogošća – po jedan požar.

Prema statističkim pokazateljima, devet požara je izazvano namjerno, dva nehatom, dva zbog tehničkih nedostataka, dok uzroci tri požara spadaju u kategoriju ostalih.

SAMOUBISTVA

U mjesecu oktobru 2018. godine na području Kantona Sarajevo registrovana su tri samoubistva (dva manje), izvršena vješanjem. Izvršiocu su dvije žene i jedan muškarac u dobi preko 50 godiuna.

2. JAVNI RED I MIR

Policijski službenici su u mjesecu oktobru ove godine zbog narušavanja javnog reda i mira preduzeli ukupno 391 prekršajnu sankciju (naloga - 307, zahtjeva - 84), protiv 417 lica. U odnosu na isti mjesec 2017. godine, broj prekršajnih sankcija povećan je za 11 ili 2,9%, a broj lica protiv kojih su sankcije preduzete smanjen je za 3 ili 1%.

Od ukupnog broja prekršajnih sankcija, 340 ili 86,9% odnosi se na prekršaje utvrđene Zakonom o prekršajima protiv javnog reda i mira, a 51 ili 13% na prekršaje utvrđene Odlukom općinskih vijeća o prekršajima protiv javnog reda i mira.

Prilikom narušavanja javnog reda i mira u proteklom mjesecu, u slučajevima kada se radilo o prekršajima, nije bilo teže povrijeđenih (kao ni u istom mjesecu 2017.godine), dok je lakše povrijeđeno 16 lica (sedam ili 77,8% više).

Prema strukturi prekršaja, najzastupljeniji su prekršaji koji su učinjeni **prosjačenjem** (165 ili 42,2% od ukupnog broja), **naročito drskim ponašanjem** (43 ili 10,9%), **odbijanjem naređenja i omalovažavanje policijskih službenika** (38 ili 9,7%), te **tučama** (31 ili 7,9%). Znatno manje prekršaja učinjeno je svađom, vikom i nepristojnim ponašanjem (10), te drugim oblicima narušavanja javnog reda i mira (53). Evidentirani su i prekršaji koji su regulisani odlukom općinskih vijeća o javnom redu i miru (51).

Prema mjestu izvršenja, najveći broj prekršaja učinjen je na ulici i na drugim otvorenim prostorima (358 ili 91,5%), a znatno manje u ugostiteljskim objektima (12), u školama i školskim dvorištima (dva), u trgovinama (jedan), te na ostalim mjestima (18).

Tabelarni pregled prekršajnih sankcija u toku mjeseca oktobra 2018/2017. godine,

po mjestu činjenja prekršaja

	ugost. objekti	trgovine	ulice	sportski tereni	vozila JGS	škole	ostala mjesta	ukupno
oktobar 2018.	12	1	358	0	0	2	18	391
oktobar 2017.	13	0	350	0	0	2	15	380
+ - %	-1 ili 7,7%	1	8 ili 2,3%	---	---	isto	3 ili 20%	11 ili 2,9%

U odnosu na isti mjesec 2017. godine, smanjen je broj prekršaja izvršenih u ugostiteljskim objektima, dok je broj prekršaja izvršenih u školama ostao isti, a na svim ostalim mjestima došlo je do povećanja tog broja.

Na području Kantona Sarajevo u mjesecu oktobru 2018. godine održana su 142 javna skupa (169 ili 54,3% manje u odnosu na oktobar 2017. godine). Policijski službenici su proveli planske aktivnosti javnih skupova koji su protekli bezbjedno. U 105 slučaja izvršeno je KDZ osiguranje.

3. SAOBRAĆAJ

Na području Kantona Sarajevo u mjesecu oktobru 2018. godine u odnosu na isti mjesec prethodne godine smanjen je ukupan broj saobraćajnih nezgoda, broj nezgoda sa materijalnom štetom i nastradalim licima i broj nastradalih lica.

Registровано je 809 saobraćajnih nezgoda (220 ili 21,4 % manje u odnosu na oktobar prethodne godine), od čega je 729 sa materijalnom štetom (208 ili 22,2 % manje) i 80 sa nastradalim licima (12 ili 13 % manje). U navedenim nezgodama jedno lice je poginulo, 17 je teže, a 79 lica je lakše povrijeđeno.

UPOREDNI POKAZATELJI SAOBRAĆAJNIH NEZGODA I POSLJEDICA NA PODRUČJU KANTONA SARAJEVO
ZA MJESEC OKTOBAR 2018/17. GODINA

	OKTOBAR 2018	OKTOBAR 2017	uporedba	
			+, -	%
UKUPAN BROJ SAOBRAĆAJNIH NEZGODA	809	1.029	- 220	- 21,4 %
SAOBRAĆAJNE NEZGODE SA NASTRADALIM LICIMA	80	92	- 12	- 13 %
SAOBRAĆAJNE NEZGODE SA MATERIJALNOM ŠTETOM	729	937	- 208	- 22,2 %
POGINULO LICA	1	2	- 1	- 50 %
- vozači	1	0	+ 1	-----
- putnici	0	1	- 1	-----
- pješaci	0	1	- 1	-----
POVRIJEĐENO LICA	96	117	- 21	- 17,9 %
- vozači	38	52	- 14	- 26,9 %
- putnici	32	41	- 9	- 21,9 %
- pješaci	26	24	+ 2	+ 8,3 %

U naselju je registrovano 739 saobraćajnih nezgoda (75 sa nastradalim licima i 664 sa materijalnom štetom), van naselja 70 nezgoda (pet sa povrijeđenim licima i 65 sa materijalnom štetom).

Evidentirane su 83 saobraćajne nezgode na raskrsnicama u naselju, 26 na raskrsnicama van naselja, 15 na pješačkim prelazima, tri na nadvožnjaku, dvije na podvožnjaku, jedna na mostu, jedna na

prelazu preko željezničke pruge i 678 saobraćajnih nezgoda čije se karakteristike puta ubrajaju u kategoriju ostalih.

TABELARNI PREGLED SAOBRAĆAJNIH NEZGODA I POSLEDICE NA PODRUČJU KANTONA SARAJEVO
U MJESECU OKTOBRU 2018. GODINE

SAOBRAĆAJNE NEZGODE	SA NASTRADALIM LICIMA			SA MATERIJALNOM ŠTETOM	UKUPNO	POSLEDICE		
	sa poginulim licima	sa povrijeđenim licima				broj poginulih lica	broj teže povrijeđenih lica	broj lakše povrijeđenih lica
		teže	lakše					
u naselju	1	17	57	664	739	1	17	73
van naselja			5	65	70			6
UKUPNO	1	17	62	729	809	1	17	79

POSLEDICE SAOBRAĆAJNIH NEZGODA

Tokom mjeseca oktobra 2018. godine, u saobraćajnim nezgodama na području Kantona Sarajevo nastradalo je ukupno 97 lica (22 ili 18,5 % manje).

TABELARNI PREGLED NASTRADALIH LICA (poginula, teško i lakše povrijeđena) U SAOBRAĆAJNIM NEZGODAMA ZA MJESEC
OKTOBAR 2018/17. GODINE

učesnici u saobraćaju	Oktobar 2018. godine	oktobar 2017. godine	uporedba	
			+/-	%
vozači	39	52	- 13	- 25 %
putnici	32	42	- 10	- 23,8 %
pješaci	26	25	+ 1	+4 %
UKUPNO	97	119	- 22	- 18,5 %

Jedno lice je poginulo (jedno manje), dok je 96 lica povrijeđeno (21 manje), od čega 17 teže (jedno manje) i 79 lakše (20 manje).

TABELARNI PREGLED NASTRADALIH LICA U SAOBRAĆAJNIM NEZGODAMA PO KATEGORIJI UČESNIKA
ZA MJESEC OKTOBAR 2018/17. GODINE

mjesec	OKTOBAR 2018. GODINE			OKTOBAR 2017. GODINE			UPOREDBA OKTOBAR 2018/17. GOD.		
	poginulo	teško povrijeđeno	lakše povrijeđeno	poginulo	teško povrijeđeno	lakše povrijeđeno	poginulo	teško povrijeđeno	lakše povrijeđeno
VOZAČI	1	7	31	0	3	49	+ 1	+ 4	- 18
PUTNICI	0	2	30	1	4	37	- 1	- 2	- 7
PJEŠACI	0	8	18	1	11	13	- 1	- 3	+ 5
UKUPNO	1	17	79	2	18	99	- 1	- 1	- 20

Kada je u pitanju stepen povreda, jedan vozač je poginuo³, sedam vozača je teže, a 31 lakše povrijeđen, dva putnika su teže, a 30 lakše povrijeđena, dok je osam pješaka teže, a 18 lakše povrijeđeno.

Starosna struktura nastradalih osoba u saobraćajnim nezgodama je slijedeća:

- do 17 godina – šest lica,
- od 18 do 30 godina - 27,

- od 31 do 40 godina – 17,
- od 41 do 50 godina – 16,
- od 51 do 65 godine – 14 lica, itd.

Starosna struktura nastradalih vozača u saobraćajnim nezgodama je slijedeća:

- od 18 do 23 godine – četiri lica,
- od 23 do 30 godina – sedam,
- od 30 do 40 godina – 10,
- od 40 do 50 godina – 11,
- od 50 do 60 godina – tri lica, itd.

Prema **kategoriji puta**, najveći broj saobraćajnih nezgoda registrovan je:

- na ulicama u naselju – 639 nezgoda u kojima su 63 lica povrijeđena,
- na magistralnim putevima – 88 (jedno lice poginulo, a 21 povrijeđeno),
- na lokalnim putevima – 35 (tri lica povrijeđena),
- na regionalnim putevima – 28 (šest lica povrijeđeno),
- na putevima koji se ubrajaju u kategoriju ostalih – 19 saobraćajnih nezgoda (tri lica povrijeđena).

UZROCI SAOBRAĆAJNIH NEZGODA

Na osnovu statističkih podataka o saobraćajnim nezgodama i nastradalim licima, najveći broj uzroka saobraćajnih nezgoda spada u kategoriju:

- ostalih – 656 (jedno lice poginulo, a 44 lica povrijeđena, 10 teže i 34 lakše),
- neprilagođena brzina - 140 (47 lica povrijeđeno, četiri teže i 43 lakše),
- uticaj alkohola – 13 nezgoda (pet lica povrijeđeno, tri teže i dva lakše).

AKTIVNOSTI POLICIJE IZ OBLASTI SIGURNOSTI SAOBRAĆAJA

Tokom mjeseca oktobra 2018. godine, policijski službenici Uprave policije MUP-a Kantona Sarajevo kontrolisali su ukupno 18.670 vozila (5.592 manje), 4.269 lica u vozilima (2.118 manje), izvršen je pregled 148 vozila (46 manje) i 144 lica u tim vozilima (251 manje).

Zbog tehničke neispravnosti iz saobraćaja su isključena 43 vozila (66 manje), 274 vozača su zatečena da upravljaju vozilom pod dejstvom alkohola (41 više), 365 bez korištenja sigurnosnog pojasa (130 manje), 127 bez položenog vozačkog ispita (35 više), 598 vozača je zatečeno da koriste mobitel tokom vožnje (247 više) i 141 vozilo je učestvovalo u saobraćaju bez važeće registracije (12 više).

Zbog kršenja propisa iz oblasti sigurnosti saobraćaja uručena su 17.583 prekršajna naloga vozačima (265 ili 1,5 % manje u odnosu na oktobar prošle godine) i podneseno 36 zahtjeva za pokretanje prekršajnog postupka (15 ili 71, 4 % više).

MIRUJUĆI SAOBRAĆAJ I KONTROLA PJEŠAKA

Policijski službenici Uprave policije MUP-a KS su i tokom mjeseca oktobra 2018. godine planirali i kontinuirano provodili aktivnosti po pitanju saobraćaja u mirovanju i kontrole kretanja pješaka.

Vozačima koji su vozila nedozvoljeno parkirali na javnim površinama, uručena su 6.003 prekršajna naloga (1.501 manje), upozorena su 302 vozača (331 manje), a specijalnim vozilom “pauk” premještena su 222 vozila (39 više).

Takođe, pješacima koji su kršili saobraćajne propise uručeno je 189 prekršajnih naloga (144 manje), a upozoreno je 40 pješaka (134 manje).

4. ZAKONITOST U RADU

Tokom mjeseca oktobra 2018. godine, registrovano je pet napada (tri više) na policijske službenike Uprave policije MUP-a Kantona Sarajevo (tri pojedinačna i dva grupna napada). Pojedinačni napadi izvršeni su na policijske službenike Prve, Druge i Treće PU, dok su grupni napadi izvršeni na policijske službenike Četvrte i Pete PU. Posljedice ukupnog broja napada su dva poginula i pet povrijeđenih policijskih službenika.

Život su izgubila dva policijska službenika prilikom obavljanja redovnih poslova i zadataka. Njih su hicima iz automatske puške umrtila lica koja su u tom trenutku vršila tešku krađu motornog vozila.

Policijski službenici Uprave policije su tokom mjeseca oktobra 2018. godine u četiri slučaja upotrijebili silu:

- fizičku snagu i sredstva za vezivanje – dva puta
Peta PU - jednom
Sedma PU (PS Vogošća) – jednom
- fizičku snagu – dva puta
Prva PU -jednom
Šesta PU (PS Hadžići) – jednom

Tokom mjeseca oktobra 2018. godine, razmatrane su 33 predstavke na rad policijskih službenika. Nakon razmatranja Odbor za žalbe građana Skupštine Kantona Sarajevo donio je zaključak da se za sedam predstavki provede unutrašnja istraga. Za 12 predstavki je zaključeno da nema osnova za provođenje unutrašnjih istraga, za 11 da se izvrše provjere i prikupi dokumentacija, za dvije predstavke je donesena odluka o nenadležnosti, dok je za jednu predstavku odlučeno da se pripoji ranijem spisu.

Od ukupno 33 razmatrane predstavke, 25 je podneseno od strane građana, a osam predstavki predstavljaju saznanja iz službe.

Okončano je šest unutrašnjih istraga, među kojima su dvije neosnovane, u dva slučaja nije bilo dovoljno dokaza, u jednom slučaju istraga je osnovana, dok je u jednom slučaju postupak obustavljen.

5. AKTIVNOSTI NA PROVOĐENJU ZAKONA O NABAVLJANJU, DRŽANJU I NOŠENJU ORUŽJA I MUNICIJE

U mjesecu oktobru ove godine evidentirano je šest djela regulisanih ZONDINOIM-om (dva manje) počinjenih od strane šest lica, a tri su lišena slobode.

U sklopu aktivnosti na oduzimanju nelegalno posjedovanog oružja i drugih predmeta oduzeto je: osam pištolja, jedan nož, 222 komada municije raznog kalibra, itd.

Od strane Policijskih uprava fizičkim licima izdato je 50 odobrenja za nabavku vatrenog oružja (34 manje) i 71oružni list (43 manje).

6. RAD POLICIJE U ZAJEDNICI

U okviru Rada policije u zajednici u toku oktobra 2018. godine nastavljene su aktivnosti s ciljem što efikasnije povezanosti i partnerstva policije i zajednice. S tim u vezi, održavani su redovni sastanci i kontakti sa nadležnim strukturama, kao i sa policijskim službenicima zaduženim za ovu oblast, sagledavano stanje u oblasti rada policije u zajednici u funkciji redovnog policijskog rada,

ostvarivan neposredan uvid u stanje i rezultate, te sagledavane mogućnosti i pravci daljeg rada u ovoj oblasti.

Obavljajući svoje redovne aktivnosti policijski službenici su vršili obilaske mjesnih zajednica, obrazovnih i vjerskih institucija i aktivno učestvovali u kampanjama i projektima, koji su se odvijali na području Kantona Sarajevo.

S tim u vezi sačinjen je akt kojim su policijski službenici Uprave policije pozvani na učešće u projektu „Mali svijet poslova 2018“, čije je održavanje predviđeno za novembar 2018. godine u prostorijama „Sarajevo City centra“.

Sarajevo, 13.11.2018.godine
Odjeljenje za odnose s javnošću